

或振奇於一時或罕聞於曩昔如臨平山石鼓嘗出唯張  
華有言用蜀桐可擊天井開兮淵溢茂增損龍洞闢兮源  
深不可測如仙姥則裴姥嘗居采衆卉之華藥因釀酒以  
當醪異人采飲授藥與俱如曰仙穴則有仙客回轡駐蹕  
雖有獵徒之偶到第見白鶴之飛空如曰金錢有僧智度  
棲隱山巔忽覩神人之出現因建精舍以相傳言其山勢  
嵒巖峻嶒屹壑峯客竇覓蔡巢窠窺嵒岨嶧嶧猶雲之蒸猶林  
之鬱猶獸之蹲猶陣之列或如旒垂或如佩委或如鼎峙  
或如壁植遶者若朝近者若攢在後若拱居前若揖繚若  
篆籀安若弭伏揭若甄桓赤若禿髻其上乃有薜荔芷朮  
勅修浙江通志

卷二百六十九

藝文十一

三

蒲黃牛膝桃李梅杏柑橘棗栗薑藿芋蒜葵蘇芹蕨榆柳  
楓檀桑柘梓櫟檍莖蒨箭葦苕茅荻髮蔓滋荻甫培露薤  
攢柯拏莖重葍掩葉素藥丹秀紫房青壁麗藻燦燦芳蕤  
馥馥繡蠹森莘冒霜停雪侯樵僕採莫有藝極噫嘻山雖  
多矣莫若天目爲大焉其廣也厓屨巖巖縈繞盤礴連延  
負厭週遭有八百里其高也侵接霄漢彌茫眇眇莫見其  
脊凡三萬九千尺仰太虛兮日月低坐絕頂兮乾坤窄圍  
八極於寸眸撫四海於一息帶絡虹蜺襟包塊軋其上則  
有東西澗可度谷塢澳蛟龍池其冢坦平兩湖對列若  
人之有雙眸茲其名曰天目又有洞府三十六所每至深